

Oozrìi Tr'oonjii Geenjìt Dàgwiheedi'yàa Geenjìt Gwi'dìneht'èe''

Dàgwiheedi'yàa Geenjìt

Zhik nakhwanankat gwizhìt oozrìi tr'ooheendal geenjìt dahiindi'yaa akoo nits'at tr'iheendal geenjìt zhan nilii.

Oozrìi tr'oonjii gwinyuh jì' aii jidii t'atr'agwahnyuu?

Oozrìi tr'ooheendal gwinyuh jì' t'at aii Ginjih Gadaaghoo iisrits'at goo'ait geewits'at ihlee juudin diyeenjìt heelyah jì' geenjìt voozri' oohiindal ants'at aii gwizhìt diyeenjìt nadhat t'agoonch'uh.

Canada t'at nan dahchii 338 juu gwik'it gwizhìt goo'aih. Oozrìi tr'oonjii danh ihlee diyeenjìt heelyaa t'agoonch'uh. Juudin gàyii aitsaii aii House of Commons gwizhìt diyeenjìt nàtr'àhahchyàa.

At'aonyànch'uu t'at nihlee'ejuk gwich'in kat geenjìt giheelyaa gòo than' akòo t'àgiheech'yaa, aii juudin kheenjit gwizhìt gwitr'it t'agwahah'yaa. Vote tr'ahtsìi t'ee zrit aii juudin gwich'in kat vote leii gidì'in jì' gàyii hahtsaa t'agoonch'uh ànts'at aii kat chan nak'àdagwidaadhat giheelyaa. Goochìt chan neenjìt adachoo iisrits'at chit heelyaa.

Oozrìi tr'oonjii tat oovihnjì' gihthan lee?

Duulèh akòo t'òhkhwe'ii...

- Canada gwizhìt gwiinch'in
- Naghài ezhik drin 18 iinlii
- Nijin danh gwiinch'in edìneht'eh kak nidi'ii

Oozrìi tr'oonjii eenjit lee shuuzri' naginii'ait?

Nuuzrì' gwakak naginii'ait geenjìt kaniintii

Uu'ok nadhiinzhi, goo duuleh Canada geewits'at k'aindik, ek'idhinjii iinlii ants'at tr'oochit vote nyahtsìi geenjìt goo duuleh uu'at danh t'inich'uu, duuleh nuuzrì' naginii'ait kwaa.

Jii elections.ca/register gwizhìt gwinyah'ii, ejuk nyahtsìi goo nuuzrì' naniin'aih. Gi'gwadhan ts'at niinzhuk nakhwah gwiheedhaa kwaa t'agoonch'uh.

Duuleh gwits'at tr'iniinjii nohthan jì? Jii ihdichih ts'at giniinkhii **1-800-463-6868**.

Aii Oozrìi tr'ooheendal geenjit edineht'eh nint'atr'ahahchał eenjit gwik'andehnyahtii

Nuuzrì' vakak gwidinithat'oh jì, t'ee hee **edineht'eh lu' tsal** nint'atr'ahahchał. Nijin danh, nijuk dee akoots'at dahthee dee akoo t'agwiheech'yaa geenjit gwakak gwehdineet'oh. Juhts'ants'at vagwideech'in:

Vakak nuuzrì' goo nijin danh gwiinch'in srits'at nilih jì' geenjit gwik'andehnyahtih. Srits'at nilih jì' t'ee hee oozrìi oohiindal geenjit giindhan.

Chihdè' gwidinitha'aih jì' goo edineht'eh nint'atr'ahchuh kwah jì' jii **elections.ca** gwizhìt gwinyah'ii goo goots'at giniinkhii.

Aii edineht'eh lu' tsal jii tthak akoo t'agwiheech'yaa:

- Nijin danh oozrìi tr'ooheendal gwideek'it gwiheelyaa
- Łehte'deelyaa niindhan jì' goo diinli' hah nihts'at tr'igiinkhii giiniindhan jì' geenjit
- Goo duuleh ezhik gwits'at tr'igiinjii geenjit

Nits'oots'at oozrìi tr'oonjii geenjit vote nyahtsii goonlih?

Juhts'ants'at gwiinleii gwik'it geenjit giindhan:

- Oozrìi tr'oonjii drin
- Gwichih Oozrìi Tr'oonjii drin
- Elections Canada Gwideek'it danh
- Dineht'eh srìnatr'ilik k'iighe'

Oozrìi tr'oonjii drin vote nyahtsii

Nijin danh akòo t'agwiheech'yaa drin tthak gahshùk giht'ehdineechyah.

Nijin danh goo dahshùk giindhan hiinlyaa:

- Aii edineht'eh nint'atr'ahchuh gwakak gwehdineet'oo gwinyah'ii
- **Elections.ca** gwakak gwinyah'ii goo nepostal code vizhìt nanoh'ii
- Akwah jì' **1-800-463-6868** t'yah zhìt duuleh

Gwichih drin oozrìi tr'oonjii geenjit vote nyahtsii

Drin ihłak drin daankat gwizhìt vote nyahtsii

Nijin danh gwichih drin oozrìi tr'oonjii eenjit drin t'at ts'at khahts'at 8:00 gwits'at gihtr'ehdineeच्या.

Oozrìi tr'ooheendal gwinyuh jì' t'ee chan nijin danh vote ohtsii geenjit:

- Aii edineht'eh nint'atr'ahchuh gwakak gwinyah'ii
- Duuleh jii **elections.ca** gwakak gwinyah'ii gòo nipostal code gwidiniint'òo
- Goo duuleh **1-800-463-6868** t'yah zhìt

Elections Canada Office danh duuleh vote nyahtsii

Oozrìi tr'ooheendal gwinyuh jì' t'at aii goodeek'it gwits'at nihdanohja' drin 6 p.m. gwichih drin neekaii oozrìi tr'oonjii drin gwichih.

Nijin Elections Canada kaniintii nohthan jì' **elections.ca** gwizhìt gwinyah'ii goo **1-800-463-6868** t'yah zhìt.

Dìneht'eh srìnatr'ilik k'iighe' vote nyahtsii

Oozrìi tr'oonjii drin nijin danh shik gwiinch'in t'inich'uh kwah jì', goo duuleh neenjit gwiinzii, dìneht'eh srìnatr'ilik k'iighe' akoo t'inidi'in geenjit goonlih.

Juhts'ants'at:

- Aii jidii voting kit giyahnuu geenjit goojaankat. Aii vizhìt duuleh dìneht'eh gwiniint'oo elections.ca danh goo Elections Canada gwideek'it danh, Canadian Embassy, high commission gòo duulèh aii consulate vik'iighe'.
- **Ndòo nyàa'aai gwiinchii gàgòo'ài:** nidineht'ee' tr'iilee nilii, ID k'it tagwiltsi' oozrìi tr'oonjii drin gwichih drin neekaii danh khahts'at 6 danh nekhwint'anyahchał.
- Aii edineht'eh hiidi'yaa t'ee voting kit goovaazhii nint'ahaachał jidii tthak gwizhit gwiheelyaa.

- **Noodhoon'ih sro'!** Dąshùk drin nintł'atr'ahahchyaa ganinyaandaii geenjit àniidhòk akòo t'inidi'ii. Aii edinehtł'eh vakak nagwidahcheii nekhwintł'atr'ahahchyaa geenjit Elections Canada gwits'at tr'ahahchyaa.

ID eenjit jidii dee oohjndal?

Oozrii oohiindal geenjit, juudìn t'inch'uu ts'at nijìn danh gwiinch'in gąhgiheedandaii geenjit:

Ihłak K'adagwidaadhat gwats'at nilii jidii nigwank'òo, nijìn danh t'inch'uu ànts'at nuuzri' tthak gwiinzii vągwıdeech'in. Duulèh, iitsii khał neehahłak gwi'dinehtł'èe" dilu' kak.

GÒO

ID neekaii goontł'anyahchuh. Neekaii kak nuuzri', ihłak nijin danh gwiinch'in. Duuleh Sriigwandaii Gwi'dinehtł'èe" akoots'at aadrii Gwi'dinehtł'èe" goo chuu Gwi'dinehtł'èe".

GÒO

Łi' dajjinlii geenjit goovąh gwaandąk. ID neekaii goontł'anyahchuh vakak nuuzri' ants'at ihłee juudin nahdandaii goovah gwahaandak. Adanh juudìn nilii ID di'ih jì' chan gwiheezyaa, ànts'at nijìn danh gwich'in chan, akoots'at nijìn danh oozrii tr'oonjii danh idint'eh voozri' gwidinithat'oo. Jii dinjii zrit ihłee geenjit gwizraih akoo t'idi'ii geenjit gadhan nilii.

ID card gòo edinehtł'eh nits'oo vągwıdeech'in aii gwik'it ooviidinji'. Edinehtł'eh iitsii k'iighe' nekhwintł'atr'ahchuh jì' (e-statement akwah jì' gòo e-invoice) jidii gwınithatł'oo gòo iitsii ninli' zhìt dha'aii ooviidinji'.

Oozrii oohihndal danh dągwiheedi'yaa?

Nuuzri' gwidinithatł'oo t'ee zrit juhts'ants'at akoo t'agwiheedi'yaa.

1. Nihdaniinhaii danh dinjii ihłee aanaii nitr'ahnuu t'ee nijin danh oozrii oohiindal danh naheehah.
2. Ezhik danh juudìn t'inch'uu ts'at nijìn danh gwiinch'in vintł'anyahchuh.
3. Aii ihłee vakak voozri' hadineetł'oo, nihkat t'ahah'yaa t'ee dinehtł'eh nintł'atr'ahahchał.

4. Aii edineht'eh dilu' nt'ih dhiindii ts'at egwidiincheii t'ee, nihkat t'ahiin'yaa t'ee in'ih vak'anyantih.
5. Ihlee vint'anyahchuh, vakak jidii tsal gehlahahch'yaa.
6. Aii ligis zhìt nidineht'ee' naniin'aih.

Ek'idhinjii ihii - nits'oo dee vote hałtsyaa?

Tr'oochìt nuuzri' aii gwizhìt gwidinithat'oo. Gwik'anyantii, ejuk nyahtsiii niindhan jì' akoo t'inidi'ii goo elections.ca/register danh visriiniii'aih.

Neekat gwizhìt gwiinch'in jì' - ihlat ge'tr'oonahatan gwizhìt t'inch'uh dai' ants'at ihlat gwizhìt goonlih kwah jì' - nijin danh gwiinch'in danh tagoonjii. Nijin danh gwiinch'in aii gwàts'at juudin veenjìt nadhat veenjìt voozri' oohiindal.

Nuuzri' gwidinithat'oo jì' t'at d'ineht'eh srinatr'ilik k'iighe' nint'atr'ahahchał. Vakak nijin danh goo d'ahthee akòo t'agwiheech'yaa geenjit gwedineet'oo.

Ganinyaandaii: nijin danh gwiinch'in geh'at t'inich'uu goo jidii neenjìt gwiinzii geenjit, duuleh mail k'iighe' giindhan t'agoonch'uh nijin gwizhìt Elections Canada gwideek'it goo'aih gwizhìt danh.

Jidii sheenjìt gwiheezyaa geenjit gwik'it goo'aih?

Canada gwich'in kat tthak gooveenjìt gwitr'it nihle'ejuk goonlii geenjit gahgwidandaii tth'aih guk'anaatih.

Zhik zrit aii jidii tthak hah tr'oo'aii eenjit gah gwitr'it t'agwaa'ii:

- Ejiich'ii hah jidii gwidinithat'oo gwiinchii gwaatsii
- Jidii d'ineht'eh dilu' hah oozrii tr'oonjii vakak juudin ndee ehdanh kat eenjit gwiidi'in
- Juudin oozrii tr'oonjii gadhan gidilii govoozri' gwiinchii gwidinithat'oo
- Juudin oozrii tr'oonjii gadhan gidilii ndee ehdanh eenjit gwiidi'in (oozrii tr'oonjii drin gwitanyah'yaa)
- Diinli' hah nihts'at tr'igiinkhii lehte'deelyaa gwiidi'in (drin gwichih vuunkaginiinkhii)
- Vote ohtsii geenjit nits'at tr'ivihnji' niindhan jì' giidadhan
- Nijin gwà'àn oozrii ooniinjii loo gwiizrii goo'aih kwah jì' aadrii gwiidi'in

- Duuleh duuyeh uu'ok nachiidik kwaa jì' akoo t'anikhwaanuu ants'at nits'at tiidadaa vote nyahtsii geenjit

Nijìn gwà'àn oozrìi tr'oonjii gwideek'it gwits'at natr'ahdadal geenjit gadhan giheelyaa

Nijin drin oozrìi natr'ooheendal chan edineht'eh nintl'atr'ahahchał k'iighe' gahnidandaih. Nijìn gwà'àn akoo t'agwiheech'yaa chan vakak akoo gwehdineet'oh. Akwah jì' aii computer kak **elections.ca** ants'at nipostal code gwidiniint'oo t'ee gahiindandaii goo t'yah zhìt **1-800-463-6868**.

Ezhik danh nihdaniinzhih jì', ihlee nits'at tr'iinjii eenjit nihk'ateehah ts'at duuleh iitsii gihdaniivyaa giht'r'iheechyaa gwik'it heelyaa. Nits'oots'at nits'at tr'iinjii geenjit goovah gwaandak.

Inihkik gwà'àn tthak nits'òots'at gi'gwàdhan geenjit nits'at tr'iinjii geenjit guk'andehanaatyaa. Tth'aih jii geenjit gaviishandai' niindhan jì' akoo t'anakhwaanuu, nijìn gwà'àn oozrìi natr'ooheendal gwideek'it goo nits'oots'at nits'at tr'igiheendal oozrìi oohiindal geenjit.

Jidii tthak hiidi'yaa neenjit gwiheezyaa geenjit aii **elections.ca** gwizhìt gwinyaa'ii goo goojaankat.

Elections Canada ts'at nits'oots'at gwidii gitihkhyah?

Daniidich'uu geenjit nakhwàh gwaandàk. Vik'iighe' dàgwidi'ii gwiheezyaa.

Juhts'ants'at:

- **Elections.ca** vakak jidii gwinyah'ii vizhìt gwidiniint'oo
- T'yah zhìt nekhwets'at giniinkhii **1-800-463-6868**
- Jii izhii k'iighe' t'yah zhìt chan **1-800-361-8935**

Akoots'at nihdaniinzhii goo dagidi'ii geenjit gahnidandaih kwah geenjit gwit'agwiin'ee goonlih jì', juu t'inidi'ii:

- **Elections.ca** kak aii tthak akoo t'inakhwaanuu gòo nijin oozrii tr'oonjii danh
- Oozrii tr'oonjii gwideek'it danh dinjii goo tr'iinjoo ihlee akoo t'avaanuu.

Tth'aih geenjit gavihshandai' nihthan jì' dahihsha'yaa?

- Elections.ca gwizhìt gwinyah'ii
- T'yah zhìt 1-800-463-6868
- Izhii chan aii t'yah zhìt 1-800-361-8935

Elections Canada jii geenjit jidii tthak zrit gidi'ii, jii gwik'it:

- Gahiindandaii goo gat'r'agwaandak gwi'dineht'è' goonlii
- Gwichih oozrii tr'oonjii gat'igiinkhii gwadal leii
- Oozrii tr'oonjii geenjit gah gik'atr'aanjii eenjit

Elections.ca danh gwinyah'ih jì' aii tthak gwakak goonlii ts'at ooniinjii giiniindhan.

Oozrii ooniinjii gwi'dineht'è'

- **Elections.ca** nuuzri' gwizhìt gwidinithat'oo guunkàniintii
- Edineht'eh nint'atr'ahahchał geenjit nuudhah'ii
- ID nizii nidi'ii geenjit guunkaniintii
- Juudin eenjit oozrii natr'ooheendal geenjit goojaankat goo **elections.ca** gwizhìt gwinyah'ii
- Nits'oots'at oozroo oohiindal geenjit neenjit gi'gwadhan tagoonjii
- Nijuk jì' akòo t'agwiheech'yaa aii sriidrìn gwi'dineht'è' kak vagwijaancheii
- Nits'oots'at aii gwits'at tiinhaa geenjit gisriininyahjii